

COMUNICATO n. 3421 del 17/11/2025

An Apalto vo 925.400 euro zo riva zo richa in provintziàl bege n. 133 von Laaz machante sicharar sèmm boma auzgeat aftn bege vo Folgrait un Lavròu, atz Monterùf

A naüga umkhear atz Monterùf: in gara dar zboate toal von Laaz

[Cimbro] Daz provintziàl Àmt vor di apalte un vor di kontrètt hatt augelekk di protzedùr zo lega a gara in zboate toal von arbatn gehoazt “S-136: garedegarn un betarn in provintziàl bege n. 133 von Laaz” zbisnen dar Valsugàna un da Zimbar Hoachebene. Da naüge umkhear boda bart khemmen gemacht atz Monterùf hatt ’z zil zo pezzra di kreutzung zbisnen in Laaz un in statàl bege n. 349 (boda vüart atz ummana zuar Lavròu un Folgrait un aftz d’ândar zuar Slege).

“Pitt disan zboate toal von arbatn – khütta dar vorsitzar Maurizio Fugatti – bartnda khemmen gemacht verte di arbatn âgeheft pinn earst toal betar nidar zuar in tal, boda bartn machan destran un mearar sichar in bege von Laaz machante an naüng tunnel lai gianante in nidarbart un haltante, anvétze, di stòregen stöll gianante in aubart. Da naüge umkhear atz Monterùf gitt zuar zo pezzra di kreutzung, übarhaup peng ma gesekta bintsche un khint z’soina perikolosat innkhearn. Asó geatma vürsnen pinn arbatn vürgelekk vor schiar zen mildjü euro vor di zoba toaln, pinn zil zo macha mearar sichar disan bichtegen bege boda pintet di Valsugàna pittar Zimbar Hoachebene un pinn Veneto, vo ditza bartnda dena mang gòdarn di laüt boda lem afte hoachebene un in da gelaichege zait helfft in turismo o”.

Arbatn S-136: garedegarn un betarn in provintziàl bege n. 133 von Laaz – toal 2

Dar prodjèkt lekk vür zo macha an umkhear pittnan diâmetro vo 34 mètre boda bart khemmen gemacht sèmm boda dar provintziàl bege n.133 kraützte pinn statàl bege n. 349. Zo maga machan da naüge umkhear bartma mochan machan auzgian in lest tòkko von bege von Laaz betar au zuar in pèrge, grabante in kròtz un dena sicharn di renn pitt aisarne nèt看 un kubln zo pinta, zoa azze auste.

In da gelaichege zait bartma mochan machan loavan in Statàl Bege 349 betar nidar haltanten au pittnar maur gemacht pitt gantz groaze khnottn. Auz nâ in bege bartnda khemmen gelekk kòrdole pitt botümm un andre sachandarn zo zoaga garècht in bege. Di arbatn leng o vür zo macha a naüga nèt看 von tum zo traga vort ’z bazzar balz renk. Zo sichra no mearar in bege bartnda khemmen gelekk liachtar (marker Led) danidar boda zoang hoatar bo ma tarft gian.

Uantze responsabile von protzedimént: inz. Carlo Benigni – diridjént von Àmt vor di arbatn afte beng un afte aisarpân – vodar Provìntz

Prodjèktistn: djòmetra dar Walter Nicolussi Zatta un dar djòmetra Marco Valentini – Àmt vor arbatn afte beng un afte aisarpân – vodar Provìntz

Koordinatór vodar sicharung in fase prodjèktatziong: inz. Mauro Pontalti – Tria

Prodjèktist von impiânte: p.i. Michele Conci – Tria

Geologesche relatziong: Geol. Riccardo Campana – Geologesche Amt – vodar Provìntz

Di arbatn von zboate toal bartn khemmen zo khosta in gântzan 925.400,00 euro vo disan 25.400,00 euro vor di sicharung.

Zait zo macha verte di arbatn: 168 tang.

Lestar tage zo geba inn di opfarn von firme gerüaft: 16 kristmånat mittartage.

Earst setz gara: 16 kristmånat di zboa un a halbez in tages.

[Laaz, earstar toal in gara](#)

Übarsetzt von Schaltarle vor di zung von Toalkamou vodar Zimbar Hoachebene

(cdt)